

中國地方志集成

省志輯·山西 ⑤

雍正山西通志(三)

鳳凰出版社 ● 上海書店 ● 巴蜀書社

圖書在版編目（CIP）數據

中國地方志集成·省志輯·山西 / 鳳凰出版社編

— 南京：鳳凰出版社，2011.7

ISBN 978-7-80729-758-1

I. ①中… II. ①鳳… III. ①中國—地方志②山西省—地方志—清代 IV. ①K29

中國版本圖書館CIP數據核字(2011)第136628號

中國地方志集成·省志輯·山西(全七冊)

著 作 者 本社 編選

責任編輯 王 劍 薛 飛

封面設計 范一辛

出版發行 鳳凰出版傳媒集團

鳳凰出版社(原江蘇古籍出版社)

南京市中央路 165 號 郵編 210009

發行部電話 025—83223462

集團網址 鳳凰出版傳媒網 <http://www.ppm.cn>

印 刷 金壇市古籍印刷廠有限公司

江蘇省金壇市晨風路 186 號 郵編:213200

開 本 787×1092 毫米 1/16

印 張 371.25

版 次 2011 年 7 月第 1 版 2011 年 7 月第 1 次印刷


標準書號 ISBN 978-7-80729-758-1

定 價 3800.00 圓 (全七冊)

(本書凡印裝錯誤可向承印廠調換,電話:0519-82338389)



雍正山西通志(三)



(清) 覺羅石麟 修
(清) 儲大文 纂

目

録

第一册

康熙山西通志(一)

一

第二册

康熙山西通志(二)

一

第三册

雍正山西通志(一)

一

第四册

雍正山西通志(二)

一

第五册

雍正山西通志(三)

一

第六册

雍正山西通志(四)

一

第七册

雍正山西通志(五)

一

山西通志卷第九十一

山西巡撫都察院右副都御史 覺羅石麟奉

旨修輯

名宦九

潞安府

周

靳黈趙上黨守也秦伐韓一軍臨滎陽一軍臨太行韓請効

上黨之地以和令韓陽告靳黈曰秦起二軍臨韓韓不能

支今王以上黨人和於秦使陽言之太守太守其効之黈

曰人有言挈瓶之智不失守器王則有令而臣失守雖王

與于其亦猜焉臣請悉發守以應秦若不能卒則死之韓

陽趨報王王曰吾始已諾應侯矣今不與是欺之也乃使

山西通志

卷九十一

名宦

馮亭代趙

漢

任敖故沛獄吏高祖東擊項籍敖遷為上黨守陳稀反時敖

堅守封為廣阿侯食千八百戶高后時為御史大夫三歲

免

蔣滿宣帝時為上黨太守子萬為北地都尉並以卓異徵萬

退却不敢並父帝問贊謁者以父子對帝歎息因乃父子

剖符即即下詔曰上黨守滿經行篤著信行山東其以滿

為淮陽王相誨導東藩宏農股肱郡其以萬為宏農太守

同日拜擢一時榮之

苟諫為上黨太守哀帝時王莽欲滅鮑宣子孫都尉路平承

望風台規欲害宣子承諫擁護承召以為吏常置府中承

因數為諫陳與復漢室翦滅篡逆之策諫每戒承曰君長

幾事不密禍倚人門承感其言及諫卒自送喪歸扶風路

平遂收承弟升後太守趙興到歎曰我受漢茅土不能立

節而鮑宣死之豈可害其子也出升復署承功曹

田邑字伯玉馮翊遼勺人有節涉學藝能善屬文更始初

為上黨太守二年與行大將軍事鮑承狼孟長馮衍繕甲

養士扞衛井土而尤善馮衍及世祖即位遣宗正劉延攻

天井關邑連戰十餘合延不得進邑迎母弟妻子會鄧禹

使積弩將軍馮愔將兵擊邑愔與延悉得邑母弟妻子後

聞更始敗乃遣使詣洛陽獻璧馬降帝遣騎都尉弓里游

諫大夫何叔武即拜為上黨太守屢以書招衍降衍不從

承婿張舒誘降涅城舒家在上黨邑悉繫之遣承書曰張

山西通志

卷九十一

名宦

二

舒內行邪孽不遵孝友疏其父族外附妻黨已收三族將

行其法能逃不自訪者舒也能夷舒宗者予也承不答自

是與邑有隙而承行後亦罷兵幅巾降邑還漁陽太守未

至官疾微還為諫議大夫卒

班稚長子台彪之父有善治

戴涉建武初為上黨太守太行山中有劇賊涉聞鮑昱有智

略乃就謁請署守高都長昱平羣賊道路開通

魏應字君伯任城人習詩閉門誦習不交僚黨舉明經弟

子白遠方至著錄數千人肅宗甚重之時會京師諸儒於

白虎觀講論五經同異使應專掌問難明年出為上黨太

守徵拜騎都尉卒

鄭渾字文公河南開封人與之子也建安中為左馮翊平山

賊轉上黨太守渾爲郡明禁令以發奸勤稼穡以勸農由是民安而盜賊止息性清素在公卒之日妻子不免饑寒羊術泰山南城人續之子也世有清德蔡邕以女妻之術仕至上黨太守生祐

晉

郭翼直言上書武帝擢爲屯留令元帝時南昌熊遠疏論時政嘗稱引之

呂溫壽張人善書好施有文武才畧拜上黨太守以能稱卒贈豫州刺史

北魏

鄭渾河南儀封人魏太祖聞其篤行召爲掾後遷下蔡長天下未定民皆剽掠不念產殖其生子多不舉渾禁其漁獵

山西通志

卷九十一 名宦

三

重加去子之刑後數有戰功遷上黨太守

韓念祖爲上黨令徐州刺史尉元表念祖始臨之初舊民南叛撫慰招集南來民費侯先等前後歸附戶至二百有餘南濟陰郡睢陵縣人趙伶等辭稱念祖善於緩撫清廉請乞念祖爲睢陵令若得其人必能招集離叛成立一縣獻文詔曰樹君爲民之情如此可聽如請

隋

柳昂字千里河東解人周賜爵文城郡公隋初拜潞州刺史昂見天下無事可以勸學行禮因上表言之上覽而嘉納詔天下州縣皆遣博士習禮焉昂在州甚有惠政數年卒

官

辛彥之隴西狄道人周封五原郡公隋初改封任城郡公累

遷潞州刺史有惠政卒官諡曰宣

源崇西平樂都人朔方郡公雄子襲封官儀同大業中上黨贊治入爲尚書虞部郎將兵討北海賊力戰死贈正議大夫

唐

王行敏井州樂平人義旗初潞州刺史遷屯衛將軍劉武周寇上黨取長子壺關上遣行敏馳往守禦賊引去

李襲譽字茂實金州安康人唐初封安康郡公爲潞州總管突厥既和親又通使王世充襲譽掩擊悉斬之因委典運以饒東軍後歷蒲州刺史轉楊州大都府長史所蒞以威肅聞後戍卒

山西通志

卷九十一 名宦

四

李元嘉高祖第十一子初封徐王貞觀六年授潞州刺史時年十五在州聞太妃有疾涕泣不食十年改封韓王授潞

州都督元嘉少好學閨門修整有類寒素修身潔已內外如一高宗末轉澤州刺史垂拱中徙絳州遇害

李元懿宗室子封鄭王初刺兗州徙潞州數斷大獄務覓平城南有元懿太妃墓

崔珏一名元靖樂平人貞觀間爲長子令廉介公直發奸摘伏民不敢欺時有虎傷人珏祈諸神遣使追虎至而殺之民爲立石頌德

李嗣正字承胃趙州栢人多藝數尤精音律舉明經歷縣令以善政聞永昌初歷拜右御史中丞知大夫事命巡撫河東薦宋溫瑾袁嘉祚李日知按州縣職皆至顯官時來俊臣獄方熾嗣正上書切諫出爲潞州刺史爲俊臣所誣貶

藤州卒諡曰昭

宋璟邢州南和人耿介有大節好學工文辭第進士調上黨尉居官鯁介景雲初以吏部尚書同三品開元四年又以吏部兼侍郎封廣平郡公後罷以尚書右丞相致任卒贈太尉諡文貞

姚崇陝右人睿宗時以兵部尚書出為潞州刺史專務德化政條簡肅潞人為立碑紀之

李潛太宗族子開元中潞州刺史轉劍南節度使所歷以誠信待物稱為良吏卒諡誠

薛儉字用冲漢御史大夫廣漢後開元間上將巡潞藩擇賢能為長吏俾宿儲供僅以拾遺宰屯留畧無慍色躬親庶務諸事克辦朝廷稱之次年歲歉出公私米賑活以百萬

山西通志

卷九十一 名宦

五

計又防水患邑大治以異能稱民立碑頌之明正德六年入祠

程千里本磧西人居京兆天寶十四載詔於河東召募充河

東節度副使雲中太守十五載正月遷上黨郡長史特進

攝御史中丞以兵守上黨賊攻城屢為千里所敗加開府

儀同三司禮部尚書兼御史大夫至德二載九月賊將蔡

希德圍上黨輕騎挑戰千里恃勇開懸門率百騎欲直擒

希德幾得而救至乃退會橋壞馬顛為賊執仰首勅諸騎

使還曰為我報諸將可失帥不可失城軍中皆為泣下增

備固守賊不能下乃還因千里至東都為嚴莊所害後追

褒死難者惟千里生見執不及云

陸長源字泳之吳人乾元中辟昭義節度薛嵩幕府嵩倭汰

常從容規切嵩曰非君安能為此歷宣武軍司馬兵變遇害贈尚書右僕射

魏珣潞州府長史兼御史中丞寶應元年為大元帥府兵馬使會回紇討賊為登里可汗榜捶死

王虔休字君佐汝州梁人涉學有武材以信義聞潞澤李抱貞厚幣招之授兵馬使以從破臨洛功擢步軍都虞候封

同昌郡王貞元十年抱貞卒元仲經等謀樹其子緘虔休正色語眾曰軍王軍士王士帥亡當稟天子何云云有妄

謀眾服其言得不亂德宗嘉之以邑王為昭義節度大使擢虔休潞州左司馬領留後號令撫循軍中大治二歲遷

昭義節度使檢校工部尚書始屬城州縣守宰多署他職不親政故治苟簡虔休增俸廩遣就部人以安卒贈尚

山西通志

卷九十一 名宦

六

書左僕射諡曰敬虔休性格敏節用度既沒所部帑廩皆以獻焉

盧項潞澤節度王虔休掌書記軍司馬元誼據洛州虔休破之復遣項見誼陳利害誼請朝請即以項為洛州別駕使

守洛

韋虛心京兆萬年人湊子舉孝廉歷潞州都督府長史所在

官吏振肅威令甚舉拜東京留守卒諡正

劉潼字子固曹州南華人選孫登進士第拜昭義節度使徙

河東所治辦卒贈司空

郝士美字和夫高平金鄉人自潞州從事累升御史大夫經畧黔中以平賊功封高平郡公元和六年檢校工部尚書

潞州大都督府長史充昭義節度使昭義自李抱貞以來皆武臣私厨月費米六千石羊千首酒數十斛潞人困甚士美至悉去之出原錢市物自給又盧從史時日具三百人膳以餉牙兵士美曰卒衛于牙固職也安得廣費為私恩亦罷之詔討王承宗大將王獻忠橫逗撓斬以徇下令曰敢後者斬兵最先有功憲宗喜曰固知士美能辦吾事十二年以疾徵為工部尚書卒諡曰景

辛秘隴西人舉五經歷河東司馬元和十二年代郝士美為潞州大都督府長史御史大夫昭義節度澤潞磁洛邢等州觀察使時以再討王承宗澤潞壓境洩費尤甚秘在鎮四歲約出入齎用度府庫積錢十七萬緡糧七十萬緡器械堅良復為完鎮家無豐財厚產為時所稱召還卒贈左

山西通志

卷九十一 各宦

七

僕射諡曰昭

薛茂卿潞州將剽勇善戰謀歸王宰為劉稹所殺稹誅詔贈

博州刺史

沈詢吳人第進士咸通中檢校戶部尚書潞州長史昭義節

度使治尚簡易人皆便安奴結牙將夜攻詢滅其家贈兵

部尚書以左散騎常侍劉潼代為節度馳至剽奴祭詢

孫揆字聖主潞州涉縣人第進士累拜京兆尹昭宗討李克

用為招討副使更授昭義節度使以本道兵會戰克用伏

兵刁黃領執揆厚禮將用之曰公輩當從客廟堂何為白

履行陣也揆大罵不諫克用怒使以鋸解之鋸齒不行揆

謂曰死殉奴解人當束之以版汝輩安知行刑者如其所

言嘗聲不輟至死昭宗憐之贈左僕射

李殷銳為潞州刺史李克用寇潞州殷銳與昭義節度使康君立俱死之

王中立榆社人潞州節度使竭心力於王室著勞績於戎行

內外稱之

李克修字崇遠國昌子從討龐勣以功拜朔州刺史兄克用

鎮雁門為奉誠軍使後表昭義軍節度使數出山東擊孟

方立又與李罕之攻懷孟克用自將擊方立還軍過潞供

饋甚薄克用怒詬而答之克修慙憤發疾卒克修為人簡

儉潞人素安其政其卒也人皆哀之

李嗣昭太谷縣人天祐三年攻降潞州為昭義軍節度使梁

遣李思安將兵十萬攻潞築夾城以圍之朱溫常遣人招

降嗣昭嗣昭斬其使者閉城拒守踰年莊宗始攻破夾城

山西通志

卷九十一 各宦

八

嗣昭完緝兵民撫養甚有恩意

後唐

盧文進范陽人明宗時以上將軍出鎮潞州擒奸恤隱甚得

時譽

任圜京兆三原人明敏善談辨李嗣昭節度昭義辟觀察支

使梁兵築夾城圍潞州踰年而首王薨晉兵救潞者皆解

去嗣昭危甚問圜去就之計圜勸嗣昭堅守以待不可有

二心已而莊宗攻破夾城聞圜為嗣昭盡守計甚善之山

是益知名其後嗣昭與莊宗有隙圜數奉使往來辨釋讒

搆嗣昭卒免於禍圜之力也嗣昭戰胡柳擊敗梁兵圜頗

有功嗣昭戰沒於鎮州圜代將其軍號令嚴肅遷節度判

官召還後拜同中書門下平章事致仕安重誨矯制殺之

後周

李筠太原人仕周爲昭義軍節度使宋太祖受禪加中書令使者至潞欲拒之賓佐切諫乃宴使者酒半懸周太祖像涕泣不已賓佐惶駭告使者曰今公被酒失其常性幸無訝北漢主聞之以蠟書約筠同舉兵太祖手詔撫慰且官其子筠終不聽北漢王親將來會筠言受周太祖厚恩不敢愛死周漢仇也以故漢王不悅留監軍而返筠遂南據澤州戰敗而死

宋

李崇矩上黨人宋初爲澤潞南而行營前軍都監破李筠衆于碾子谷澤潞平遣人先入城收圖籍視府庫後拜樞密使開寶初從征太原班師命爲後殿卒諡元靖

山西通志

卷九十一 名宦

九

李繼勲大名元城人太祖平澤潞繼勲以安國節度朝行在即以爲昭義軍節度使秋燔平遙建隆二年又拜并軍乾德二年下遼州又大敗遼師于遼五年加同平章事開寶初爲行營前軍都部署勝于洞渦二年親征河東又爲行營前軍都部署柵太原城南三年移大名卒贈中書令張邠幽州大城人周廣順初爲晉絳步軍左廂排陣使宋初從征澤潞爲行營壕砦使先登陷陣事平遷華州團練使建隆二年太原水旱詔入覲問計對曰澤潞經李筠之叛瘡痍未復軍旅一興恐人力重困不若戢兵育民俟富庶而後爲謀乃賜襲衣金帶鞍勒馬遣還乾德二年卒王祐字景叔大名莘人杜重威辟鄴支使勸無背漢坐是貶沁州司戶參軍宋乾德中太祖征太原已濟河諸州饋集

上黨城中車乘塞路上聞之將以稽留罪轉運使趙普曰六師方至而轉運使以罪獲問敵必謂儲峙不充有以窺我兵俾能治劇者往蒞其州即命祐知潞州及至饋餉無乏路亦無壅尋班師召還太平興國中知河中府張泛太平興國間爲黎城令持身廉介數政以誠淑人以禮有古循吏風

韓國華字光弼相州安陽人太平興國二年進士至道中知潞州轉運使言其善綏輯供億幹辦詔獎之終右諫議大夫子琦

柴禹錫大名人太宗時以晉邸舊僚至樞密副使累知潞州勤於政事善撫綏州民乞留三載詔獎之後復知樞密院事卒贈太尉

山西通志

卷九十一 名宦

十

李允則字垂範諱溥子太平興國末以左班殿直使河東挾繫因原治逋欠天禧二年以客省使知潞州天聖中卒允則洞知人情訟至立斷盜發輒獲守雄州人俱號爲名將云

張資祿咸平人爲潞城簿平政刑敦禮敦吏憚其威民興於行

吳元辰太原人景德中知潞州初并代澤潞皆分轄戊卒後并于太原至是以元辰臨鎮遂分領澤潞晉絳磁隰威勝七州軍事委元辰專總之元辰在藩鎮有憂民心待賓佐以禮後卒諡忠惠

畢士安代州雲中人乾德進士咸平中爲翰林學士以目疾求解改兵部侍郎出知潞州以廉介聞特加月給之數人

爲翰林侍讀學士景德初與寇準同拜平章事卒諡文簡
馬知節幽州薊人全義子景德中累官宣徽北院使加兼樞
密副使不爲王欽若下大中祥符七年出爲潁州防禦使
知潞州天禧初移天雄召拜南院使知樞密院事以疾出
知以州上黨大名之民爭來迎謁卒諡正惠

王鼎字晦叔河津人第進士真宗末以給事中知潞州有
殺人者獄已具鼎獨疑之既而提點刑獄杜衍至事果辨
曙作辨獄記以戒官吏尋徙河南府累官參知政事罷復
召爲樞密使卒諡文康

范諷字補之齊州人正辭子獻文召試入等復第進士權御
史中丞三司使激昂名聲嘗建議朝廷當差擇能臣留以
代大臣之不稱職者大臣多惡之諷龍籍彈奏呂夷簡特

山西通志

卷九十一 名宦

士

貶外累知潞州入見上言元昊不可擊獨以兵守要害久
當自服上亦稔知其治狀復給事中卒于官

郭諮字仲謀趙州平棘人聰敏過人第進士精于步方田法
慶歷中知忻州開溝渠導汾水與水利置屯田轉運使任
顯言諮有巧思自爲器械皆可用詔以所作刻漏聞獨
轅弩生皮甲來上上嘉之又知汾州未上尋徙潞州作鹿
角車陷馬槍請廣獨轅弩于他道詔諮置弩十分給并潞
召還提舉百司卒

尹洙河南人知潞州以惠愛爲政去後人常思之

劉絢治平間爲長子令不鞭扑而賦自集會大早府遣吏問
災傷絢據實上之及報獨僅十之二絢封還其檄請盡蠲
富鄭公聞之曰真縣令也

歐陽棐字叔弼修子舉進士乙科以職方員外郎知襄州有
美政忤曾布婦兄魏泰泰譖于布徙知潞州旋罷去後以
直秘閣坐元符籍卒

呂陶成都人以集賢院學士論章惇等奸狀出知潞州蒞政
與俗相安民甚宜之

苗時中字子居壺關人家宿州以蔭入官爲潞州司法叅軍
郡守欲入一囚于死執不可守怒責甚峻時中曰寧歸田
里法不可奪守悟而聽之熙寧中爲河東轉運使終戶部
侍郎

張問字昌言襄陽人第進士熙寧中爲集賢殿修撰河東轉
運使坐事貶知光化軍屢言常平助役之苦語切直驚人
歷知潞州官至給事中卒

山西通志

卷九十一 名宦

主

孫冲富春人以諫議再知潞州以強幹稱

邵伯溫字子文洛陽人康節子少從二程子遊元豐間授大
名助教調長子尉有德政去監永興軍民思之

朱光庭字公揆河南偃師人父景蔭擢第從孫明復學春秋
又受學于安定二程元祐中仕至給事中知潞州加集賢
院學士鄰境早饑流民入境者踵接光庭日爲食以食之
常至暮白不暇食遂感疾猶自力視事出禱雨拜不能興
再宿而卒

梁燾字况之鄆州須城人第進士元祐中坐論御史張舜民
不宜斥出爲集賢殿修撰知潞州值歲饑不待命發常平
粟賑之流人間之來者不絕燾處之有條人不告病明年
以左諫議大夫召甫就道攀轅不得行踰太行抵河內乃

已七年拜尚書右丞轉左丞以疾罷坐司馬光黨貶卒
谷大同濟陰人紹聖中爲潞城令府志載名宦

劉安世崇寧初知潞州時部使者以蔡京命治郡中事無巨細皆加詳考卒無毫髮可指雖過往驛券亦無違法部使者深嘆服之

韓昭許昌人宣和中知隆德府有善政民立生祠祀之

孫渤崇寧間任黎城縣才器超逸愛民禮賢六事畢舉

張確字子固邠州宜祿人元祐中進士知汾州宣和七年徙

解州又徙隆德府金國太原忻代降平陽兵叛確表言河

東天下根本安危所係無河東豈特秦不可守汴亦不可

都矣敵既得叛卒勢必南下潞城百年不修築將兵又皆

戍邊臣生長西州頗諳武事若得秦兵十萬人猶足以抗

山西通志

卷九十一 名宦

七

敵不然惟有一死報國耳書累上不報明年二月金兵至

知城中無備諭使降確乘城拒守或獻謀欲自城東潰圍

出且探確意確怒叱曰確守土臣當以死報國頭可斷腰

不可屈乃戰而死欽宗優贈述占殿直學士召見其子宗

慰撫之曰卿父今之遠也得死所矣敵客嘆息者久之

孫祖德字延仲潞州北海人第進士以大理寺丞知榆次縣

上書言刑法輕重後以右諫議大夫知河中府歷知潞州

除吏部侍郎致仕卒

李防字智周大名內黃人第進士以著作佐郎通判潞州後

以給事中知潞州卒防精力過人好建明利害

王靖字詹叔莘人素從子以祖蔭入官累遷提點河東刑獄

長子縣賊殺人捕治數十輩不得實皆釋去靖閱其牘曰

此真盜也教吏曲折訊囚果服罪仕至戶部尚書卒

李昭玘字成季濟南人第進士以秘閣校理通判潞州潞民

死多不葬昭玘斥官地畫兆竊具棺衾作文風曉之俗爲

一變靖康初以起居舍人召而已卒昭玘自號樂靜先生

寓意法書圖畫貯于十囊命曰燕游十友云

金

沈璋字之達奉聖州永興人遼時學進士業與李師夔同附

金爲山西路都轉運副使太行賊陷潞州殺其守姚璠官

軍討平之命璋權知州事璋至招復逋逃賑養困餓收其

橫屍葬之未幾民頗安輯初賊黨據城潞軍當緣坐者七

百人帥府牒璋盡誅之璋不從帥府聞之大怒召璋詞責

且欲殺璋左右震恐璋顏色不動從容對曰招亡撫存璋

山西通志

卷九十一 名宦

七

之職也此輩初無叛心蓋爲賊所脅有不得已者故招之

復來今欲殺之是殺降也苟利於衆璋死何憾少頃怒解

因召潞軍曰吾始命戮汝今汝使君活爾矣皆感泣而去

朝廷聞而嘉之拜左諫議大夫知潞州事百姓爲之立祠

移知忻州改同知太原尹加尚書禮部侍郎時介休人張

覺聚黨亡命山谷抄掠邑縣招之不肯降曰前嘗有降者

皆殺之今以好言誘我是欲殺我耳獨得侍郎沈公一言

我乃無疑於是命璋往招之覺即日降轉尚書吏部侍郎

西京副留守同知平陽尹改鎮西軍節度使天德元年致

仕卒

韓俊天會間知襄垣縣盜賊蜂起率衆禦之且戰且城寇漸

平又築外城民有所恃

蕭仲宣皇統間為昭義節度使政尚平易然能約束小吏不敢為奸賄賂禁絕百姓為立祠

喬辰知襄垣縣嘗著座中銘見藝文志

孫德源大定初遷沙河令大定間改昭義軍節度使潞州破被執俄有拜于前者皆沙河舊民密護德源釋之貞祐二年拜工部尚書攝御史中丞

賀允中大定中遷承直郎行襄垣縣令勤政愛民廢墜修舉烏塘遼陽人大定間任長子令舊訟牒累千塘至剖決如流革包納侵漁之弊招撫流移復業民立德政碑

李晏高平人字致美大定間除黎城令修崇學校舉行鄉飲使民知義遷保德州刺史世宗素識其才召用之應制揮翰詞如湧泉有蓮炬宮錦之寵官至禮部尚書翰林苑學

山西通志 卷九十一 名宦

五

世 士承旨沁南昭義兩鎮節度使致仕卒諡文簡有文集行

梁鏜范陽人明昌間為昭義軍節度使觀察判官有惠政民祀之

納合蒲刺都大名路猛安人承安二年進士有識慮貞祐中為戶部尚書言華縣以北黃河南岸及金鉤平橋虎牢關號州嶠嶺凡斜徑僻路俱當置兵防守下省院議竟不施行未幾改元帥右監軍兼昭義軍節度使行元帥府事興定二年潞州破力戰而死贈御史大夫

必蘭阿魯帶貞祐初累官寧化州刺史三年改昭義軍節度使充宣撫副使閱月權元帥左都監行元帥府事節度宣撫如故遣都統奧屯喜哥復取威州及獲鹿縣既而詔擇

義軍為三等奏去歲初置帥府部分既定析之將互易其處不相諳委乞無輕變易詔許之阿魯帶繕完州縣之可守者其不可守者遷徙其民俟險為柵以備緩急澤州舊隸昭義軍近年改隸孟州又議遷青蓮寺山寨上言距州既遠地形狹隘恐所保者少所遺者多乃止不遷詔復隸昭義軍是歲潼關失守趨備商州乃陳河北利害畧曰今析代撤戍太原帥府眾纔數千平陽行省兵亦不多河東河北之勢全恃潞州潞州兵強則國家基本漸可復立臣已將兵離境乞復置潞州帥府行次通池詔還潞州興定元年乃改簽樞密院事阿魯帶復立潞州最有功識遼州刺史郭文振舉以為將既而去潞州張開代領其眾與郭文振不相得文振漸不能守矣

山西通志 卷九十一 名宦

六

張開賜姓完顏氏景州人至寧末團結鄉兵固守後自觀州徙軍輝州興定元年遷授澤州刺史三年充潞州招撫使林州元帥府徙潞人實林州既復還還開乞隸晉安元帥府或與林州並置元帥府各自為治十月開以權昭義軍節度使權元帥左都監行元帥府事與郭文振共復太原四年封上黨公以澤潞沁州隸焉五年詔復以涉縣為崇州從開請也元光元年復取高平縣及澤州二年大戰壺關有功既而潞州危急開奏封建公府以固屏翰今胡天祚出平陽郭文振南徙河東公府獨臣與史詠而已乞升澤沁二州為節鎮以重守禦詔以澤為忠昌軍沁為義勝軍林州義尖寨眾亂逐招撫使康塘推杜仙為招撫使開請以盧芝瑞為副代領其眾又奏比開郭文振就食懷孟

史詠徙潞州高倫遷葛伯寨各自保守民安所仰哉臣領孤軍內無儲待外無應援臣不敢避失守之罪恐益重朝廷之憂正大間潞州不守開居南京部曲離散天興初起攻衛州敗績走死初置公府開與恒山公武仙最強後駐兵馬武山嘗置酒語諸將曰頃以糧竭為請祈二萬而得二千是吾君相不以武仙輩待我也時郭文振處開西北當兵之衝民貧地瘠開又不奉命以糧賑文振軍文振窮竄開勢愈孤以至於敗

張乞驢潞州人先為屯留尉致仕家居貞祐初元兵取潞州乞驢募兵備禦城破率眾巷戰被執不屈死之贈宣武將軍

楊敏中潞州人為屯留縣尉致仕歸貞祐初元兵取潞州力

山西通志 卷九十一 名宦

七

戰不屈死贈昭勇大將軍同知橫海軍節度使事

趙岐遼州人知襄垣縣威惠張弛吏民畏服

禹顯代州鴈門人貞祐初隸上黨公張開累有戰功授義勝

軍節度使兼沁州招撫副使元光二年四月元大帥達兒

解按察兒攻河東張開遣顯拒龍猪谷夾攻敗之擒元帥

韓光國獲輜重甲仗甚眾追至祁縣而還後守襄垣元大

帥集河朔步騎數千攻之顯與戰于玉女寨大獲擢元帥

府都監正大六年軍內變城破被擒不屈死

元

任志潞州人戊寅國王本華黎略地潞州志迎降授以虎符

俾充元帥收集山寨數與金兵戰有功金嘗擒其長子如

山招之志曰我為大朝帥豈愛一子親射其子殪之木華

黎嘗召諸將議事志亦預徵道經武安縣已反為金志死之國王令其子存襲

任存襲父職潞州元帥庚寅金將武仙攻潞州存戰死辛卯

正月有旨潞州元帥任存妻孥家屬令有司廩給仍賜第

以居之十一月以存父子死事子立尚幼先官其姪成為

潞州長官待立長還授之成卒授立潞州長官佩金符後

歷澤州尹

倒刺沙于闐人至元初為襄垣達魯花赤有政績民為勒碑

紀之

邳朗肥鄉人至元間任壺關縣政平訟簡整飭學校遇旱蝗

禱雨輒應蝗不為災後陞本州同知入名宦

周幹臣長清人至元中以河東肅政廉訪司知事守潞州時

山西通志 卷九十一 名宦

八

親王小薛奉命牧馬潞沁間牧人有奪民田為牧地者幹

臣詣王啟其事王令悉還其田潞無賴民好解牛以規利

幹臣作詩化之民罔敢犯者

傅仲禮元貞間知襄垣縣甚有惠政民思不忘

陳善屯留人大德二年為本縣尹拓修廟學肇啟人文明正

德六年入祀

郭思敬延祐二年知襄垣縣無私交營修學校為政能令人

畏服

白謙延祐間任黎城令時值大亂後學校荒廢無書籍可讀

乃出素所積並廣求四方經史子集凡四千二百餘卷作

藏書樓貯之其功在學校甚鉅

蔚恕泰定間知潞州教民興利民多便之

溫珪輔天歷中知潞州有勸課農桑之政

曹璣潞州人知本州有善政

宋思齊屯留人潞州判官才氣英邁儒吏兼通為政寬仁不

尚刑罰

楊綱字道紀永年人至順元年知襄垣縣好儒重士創修廟

學興利除害士民信服

陳伯福後至元間知潞州教民孝弟勸課農桑人咸德之

張景岩河東人至正間知潞州興廢補弊政多可稱

齊泰至正間長子尹修繕城池表揚耆德

沙班至正時任黎城主簿公勤有幹稱賢倅焉

劉依仁洪人至正間尹潞城治效居一時最繼尹屯留尤以

幹濟稱時縣有冤獄依仁一訊辨明之民為立平冤碑

山西通志

卷九十一 名宦

九

張鵬翼字大舉河南大梁人至正間為屯留令時盜賊偏起

能親當矢石為百姓禦患又以計擒借盜為奸者禦寇掠

供芻米指顧而辦生平謙冲淡薄絕無饋遺上官怒廷爭

不屈去民為立碑

馬復廣平人至正間為黎城令適蝗旱復引咎自責禱於神

蝗尋去大雨滂沱歲乃有秋黎人立碑紀之

周泰東平進士潞州同知以文學節吏治一時制作多出其

手

郭從善至正間為上黨令時盜賊縱橫從善能和輯其民整

義旅與關保虎林赤犄角破賊保全澤潞與有功焉

關保河南人至正間為總兵野菴裨將時晉冀盜起調禦澤

潞與招討萬戶虎林赤展築城垣併力守禦盜據澤及高

平整兵勦之盜幾盡杏城盜首劉子才復侵澤潞亦設奇

勦之功聞進侍郎仍賜龍衣金帛有差值旱蝗秋復大水

徧禱山川回歉為豐民獲安堵尋以攻汴功加山東樞判

同僉院累贈級左轄

虎林亦招討萬戶澤潞左轄佐守禦之責勵協恭之誠遂建

奇功終昭令譽

明

任昂河陰人元進士博覽羣書早有才譽拜晉寧尹不受洪

武初以儒士為襄垣訓導後為禮部尚書禮制多所裁定

予告歸

郭栢福建閩縣人洪武初以進士任壺關縣丞存心仁恕嘗

鑿惠澤池于南關迄今賴之

山西通志

卷九十一 名宦

十

蔡景武汜水人洪武初知潞州以公勤著陞嘉興知府多惠

政

張璧蒙城人洪武初知潞城縣修舉廢政招撫流移政行期

年吏畏民懷

嚴杞臨川人洪武初任黎城主簿治煩以簡愛民以誠陞武

功縣知縣

張三同字大亨直隸阜城人洪武初以進士任潞州同知以

勤恪著創州治修廟學在城二十四坊皆所定也尤加意

學校兵戈之餘絃誦不輟祀名宦

張思中樂清人洪武間潞州同知廉幹勤敏陞工部都水司

郎中

劉任原昌平人洪武間知潞州政行茂著德澤及民陞本省

參政

崔鳳河南項城人洪武間知黎城縣時當兵燹後井里盡墟官廳枋祠僅存壁趾鳳下車招復流移撫恤如子因以其暇修舉頽廢邑漸以治陞直隸大名府同知袁有常直隸正定人洪武間知襄垣縣政寬不弛值大饑多方撫綏民無失業

艾敬三原監生永樂間知長子縣有政聲

黃壽靖州人宣德初知潞州嚴不入苛吏民畏服任滿當代潞人保留復歷二考致仕

燕雲咸寧人宣德時為潞州知州大著聲績

郝景隆山東蓬萊人宣德間以舉人為長子簿會學宮傾圯捐俸修葺歲旱禱雨雨輒應既去民思之

山西通志

卷九十一 名宦

三

阮河交趾人宣德間任長子縣典史永樂初交趾入職方河率先歸附以功授雲屯縣典史及犂氏亂抱印航海以其家來歸改長子勤于其職卒遂占籍焉子勤以進士官刑部侍郎贈河通議大夫祀名宦

喬育宣德時為襄垣主簿部民言其賢特命超遷勸之

張維祥符人正統初壺關教諭教有成績陞浙江道監察御史

刁正東鹿人正統初知潞州政尚慈祥尤善作興士類後陞武昌府知府

徐充山東商人正統間以太學生知長子縣募丁壯建城樓設器械以備邊警歲歉加意賑恤民無流移

洪鈞新城人正統間以舉人知屯留縣有德政芝草生于堂

注

張璟臨潼人正統間知潞城縣蒞官清慎修學造士尤得人

心陞苑馬丞

王鏞江西廬陵人天順間以舉人任潞州學正學博行高勤于訓迪經指授者各有成就諸生皆以義盡仁洽稱之後陞國子監學正

張曉陝西三原人成化六年以進士任襄垣縣廉謹愛民政無不舉有清水明鏡之譚徵拜御史官至按察使入名宦祠

王紳字晉卿湖廣安化人成化間以進士知屯留縣有才畧為政不拘一轍簿書之暇親巡阡陌勸課農桑又時進諸士子講學課藝尋擢御史累官副使祀名宦

山西通志

卷九十一 名宦

三

王祐山東金鄉縣人成化十四年由監生知壺關縣鋤強扶弱四民樂業後以憂去入名宦

易鸞固始人成化間以進士知長子縣剛明果斷政先躬率多惠政陞御史

齊智成化間知襄垣縣創建城樓有仁聞祀名宦

劉瑄直隸清苑人成化間以進士知襄垣縣值大饑賑救有方全活甚衆祀名宦

李崙陝西臨潼人成化間以進士知屯留縣甘貧好學不事修飾時大饑役民鑿河河治而民不飢全活頗衆歷河南

參政正德六年入祀

馬嶽河南陳州人宏治間以進士知潞州性剛守潔才具明敏大修廟學組豆簠簠象勺于舞之類纖悉必備訪得名

官十四人鄉賢十人建祠爲州人表帥而撫恤窮黎諸政
以次畢舉在任九年上黨人謂自建州以來所未有云

曹蘭蘭州人宏治間壺關教諭學問該博尤善啟迪後登進
士歷巡撫都御史

張文直三原縣人正德十四年以舉人任壺關縣舒徐溫雅
輯縣志未就陞任去

張萱應天上海人正德間以進士知潞州潞有德風亭自唐
以來稱勝地萱日夜勤民事終其任未嘗一往嚴馭吏胥
不使入鄉間罷錦綺之售于上官里夫之役于藩府者不
使爲民擾武宗狩雲中倖臣江彬諷郡縣選嫠婦送行在
所萱曰嫠婦也奈何奪人之節力爭事得寢後擢湖廣
僉事潞人攀轅泣送者數萬人後復建祠祀之崔銑有記

山西通志 卷九十一 名宦

重

吳傑字漢甫河南杞縣人正德間以舉人知壺關縣孤介廉
潔不苟同世俗舉于鄉猶躬耕自給母亡貧不能葬流賊
至傑守母柩不去及涖官衣大布衣食脫粟飯甫四月儲
倉穀二千餘石有故人稔其治行欲薦諸朝傑曰使我賢
耶薦不必公使我不賢耶公不必薦後卒于官至不能爲
殮同官餼錢賻焉其妻弗受曰吾夫生平不愛一錢豈以
死易哉聞者高之

張鵬翰陝西慶陽人正德間以進士知襄垣縣清苦自甘均
荒田溢額于全徵中民不爲病復以其餘創置學田寒士
賴其賑恤

楊盈山東章邱人正德間以舉人知潞城縣剛介明敏有不
可奪之操中禁諭而強梗寒心勤勸課而士習丕變爲一

時才吏民建祠於邑之東關御史溫如璋作文紀之

胡侍寧夏人舉進士歷官鴻臚少卿張璁桂萼擢學士侍劾

二人越禮背經反覆辨論千餘言命逮治言官論救請潞
州同知剛介不阿持大體抗言時事潞府宗室勛注以事

憾之奏侍試諸生題議刺且謗大禮逮至京訊斥爲民卒
王致中洛陽人正德間潞州學正教人有方講學不倦

劉明濮州人廕生正德間以任印丞陞任襄垣精明廉慎吏
民畏懷修築城池功在後世祀名宦

苟京陝西商州人正德間以太學生知黎城縣時流寇猖獗
京備設守禦修浚城隍添設樓櫓保障之功民甚賴之

陳大綱慶陽人震子正德間進士任山西僉事土豪陳卿據
青羊山作亂中外震恐剿撫未決獨大綱與都御史力主

山西通志 卷九十一 名宦

諸

剿滅以威奸宄人頗難之大綱作平賊方略六篇地形險
易斷山伐木爲飛梯望樓出其背三軍拔援而上賊聞駭

曰官軍飛上山也卿遂降陞密雲兵備
倪政甘肅人嘉靖間以貢同知潞州政家世將門謀而有勇
平青年之變與有力焉

宋圭新城人嘉靖間以進士知潞安府性寬平復能諳練庶
務設府之始凡所經畫必協人情合理俗上下宜之後陞

徐州道以去

侯有功號風山浮梁人嘉靖間以進士知潞州治尚嚴明法
行自近而于閭左細民則寬以字之復選擇才俊督令讀

書政暇親加品題所甄許無不擢高第者好微行屬吏
凜奉法郡境肅然